



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1846

MCDXXXIX. Apel Bitzthum beurkundet, daß der Markgraf Friedrich ihm
Schulden bezahlt habe, am 26. Febr. 1423.

Nutzungsbedingungen

[urn:nbn:de:hbz:466:1-56104](https://nbn-resolving.org/urn:nbn:de:hbz:466:1-56104)

raten sin, das sie by solichen iren landen vnd leuten, eren vnd werden beliben, als auff sy geerbet vnd komen were, one allerlay hillfrede vnd one alle geuerde. In dieser eynung vnd uerbindung nemen wir obgenanten fursten nemlich aufz vnsern heiligen vatter den Bapfte, vnsern gnedigsten heren den Romischen koning, das heilige Romische Reiche, darwider wir vns nicht verpinden. Alle diese obgeschriben-stucke, punckte vnd artickel haben wir obgenanten fursten einander an eides stat by vnsern furstenlichen hantgeben trüwen, wurden vnd eren gelobt vnd geredt stete veste vnd vnerprochenlich czu halten, all argliste hir Innen gancz vtzgescheiden. Des czu vrkund vnd bekentnisse haben wir vnser Infigel mit gutem wissen an disen brief lassen hengen, der geben ist czu wyttenberg, des dornstags nach Sant Mathias tag des heiligen czwellboten, nach Cristi vnser heren geburt virtzenhundert vnd darnach in dem drie vnd czwenzigsten Jare.

Nach dem Churmärk. Lehnscopialbuche XV. 66. — bis auf das Datum, welches nach dem mit dieser Abschrift collationirten Origale des Geh. Kab.-Archives (N. 72) berichtigt ist.

MCDXXXIX. Apel Bisthum beurfundet, daß der Markgraf Friedrich ihm Schulden bezahlt habe, am 26. Febr. 1423.

Ich Apel vitztum Ritter, bekenne vnd ton kunt offentlich mit disem brief gen alermeniglich fur mich vnd alle mein erben von solicher schulde wegen mit namen H^m. schok bemischer groschen vnd czinzses, so mir der hochgeboren furste mein gnediger here here fridrich marggraue czu Brandenburg schuldig ist vnd mir das Slosz hoenberg mit dem Ampte vnd mit der Stat wonsidel vnd dem Marckt Artzberg mit aller irer czugehorung darumb eingeben vnd uerschriben hat etc. vnd auch von der hundert Reinischer gulden wegen, so mir sein gnade fur scheden, die mein voyt in seinen dinst genomen hat, schuldig ist, Nemlich ouch von solichs gelts wegen, so ich an den genanten Slosz hoenberg uerpawet hon. Solicher obgeschriben vnd auch alle schulde nichts vtzgenommen mich der genante mein gnediger here here fridrich Marggraff czu Brandenburg genczlich vnd volkomenlich bezalt vnd mir ein ganzee genugen darumb getan hat, vnd ich sage auch sein gnade vnd alle sin erben fur mich vnd alle mein erben darumb genczlich quit ledig vnd lose mit craft dits briefs vnd sag auch daruff alle brief, die ich von seinen gnaden hon, craftlosze vnd machtlosz vnd ich sol vnd wil Im auch des Slosz hoenbergs vnd alles, das ich von seinen wegen Innhab, von stund an abtretten vnd tritt Im des auch abe mit craft dits briefs. Ich sol vnd wil auch alle brief, die ich von seinen gnaden hon, von nu Sontag Remiscere schirft uber acht tage vnerziehen meiner frawen, der Epptilinn czu hoff einantwortten vnd vbergeben on gewerde, als ich das heren Conrad Truchseffen von des genanten meins hern wegen mit hantgeben truwen gelobt hon: vnd von des pawes, czinzses vnd hundert guldein schadens wegen, als obgeschriben stet, hat mir der genante mein gnediger here czweyhundert schock behmischer groschen gegeben, Also wann mir mein gnediger heren einen tag setzt, so sol vnd wil ich vngeuerlich kommen vnd vmmb die obgeschriben

fache ein erbere redlich rechnung tonn vnd wers das an den czweyhundert schocken behmischer groschen nach folicher rechnung vber den pawe czinze vnd vber die hundert gulden vbrigs bestund, was oder wienil des wer, das sol vnd wil ich oder mein erben dem genanten meinen gnedigen hern odir seinen erben gutlichen widergeben, wers aber mynder, das sol er mir eruollen. Des czu waren vrkund gib ich dem obgenanten meinen gnedigen hern vnd seinen erben disen brief fur mich vnd mein erben mit meinen aygen vssgedruckten Insigel uersigelten. Actum wyttenberg, feria sexta ante dominicam Reminiscere, Anno domini etc. vicesimo tertio.

Nach dem Churmärk, Lehnscopialbuche des K. Geh. Kab. Archivs XV. 69.

MCDXL. Markgraf Friedrich schenkt dem Herzoge Albrecht von Mecklenburg die ihm abgewonnenen und für die Wittgilt der Prinzessin Margaretha von Brandenburg pfandweise verschriebenen Schlösser und Stadt Dömitz und Gorlosen, am Tage seiner Vermählung, wieder zu erblichem Besitze, am 23. Mai 1423.

Wir fridrich, von gotes gnaden Marggraue czu Brandenburg, des heiligen Romischen Reichs Erczcamerer vnd Burggraue czu Nuremberg, Bekennen vnd tun kunt mit disem brise, Als wir dem hochgeboren fursten vnsern lieben Sone herczog Albrecht von Meckelburg etc. vnser Slosze Gorloszen vnd domnitze Slosz vnd Stat mit iren czugehorden fur X^m. gulden Reynischer, die wir Im mit der hochgebornn furstinne, vnser lieben Tochter, frawen Margareta, Marggraffinn czu Brandenburg etc. gegeben haben nach Innhalt derselben brief czwischen vns begriffen, pfandes weise uerslatzt vnd eingegeben haben etc., haben wir angesehen solichen guten willen, liebe vnd fruntschafft, so er czu vns vnd vnsern lande der marck czu Brandenburg hat, vnd haben Im dieselben Slosz Gorloszen vnd domnitze, Slosz vnd Stat, von sunderlicher liebe vnd fruntschafft wegen, wider erblichen eingegeben, czu haben In allermafze vnd recht, als er die vormals, ee wir Im die abgewonnen haben, Inne gehabt hat, on geuerde. Des czu vrkunde geben wir Im disen brief mit vnsern anhangenden Insigel uersigelten. Actum Tangermunde, In die penthecosten, Anno etc. XXIII.

Nach dem Churmärk, Lehnscopialbuche des K. Geh. Kab. Archivs XV., 24. a.

MCDXLI. Herzog Albrecht von Mecklenburg verschreibt seiner Gemahlin Margaretha, gebornen Markgräfin von Brandenburg, außer der Vogtei Wittenburg noch verschiedene Besitzungen in den Vogteien Boitzenburg, Schwan, Buckow und Ribnitz zum Leibgedinge, am 25. Mai 1423.

Wir Albrechte, von gotes gnaden der Reiche Sweden vnd Norwargen ware erfname, herczog czu Meckelburg, Gref czu Swerin, czu Rostock vnd Star-